

Odluka o posebnim taksama na uvoz

Visoki predstavnik, Wolfgang Petritsch, je u četvrtak, 30. decembra 1999. godine, donio Odluku kojom se produžava važenje odlukâ koje je Vijeće ministara BiH donijelo u vezi sa uvođenjem posebnih taksi na uvoz različitih proizvoda za 1999. godinu, a koje su objavljene u Službenim novinama Bosne i Hercegovine broj 02/99 i 15/99.

Odlukom Visokog predstavnika, koja je stupila na snagu odmah nakon potpisivanja, vladama oba entiteta biti će omogućeno da nastave ubirati ove takse na uvoz u toku 2000. godine, dok Vijeće ministara ne donese novu odluku o istom pitanju.

Prethodne odluke Vijeća ministara bile su na snazi samo do 31. decembra 1999. godine. Ministar vanjske trgovine i ekonomskih odnosa je Vijeću ministara dostavio nacrt nove odluke za 2000. godinu, koji je Vijeće ministara trebalo odobriti prije kraja godine. Međutim, Vijeće ministara nije poduzelo radnje u vezi sa tim prijedlogom.

Putem zajedničkog pisma koje su uputili premijeri oba entiteta Visoki predstavnik je upoznat sa činjenicom da bi izostanak takve odluke rezultirao gubitkom zaštite domaćih proizvoda te značajnim gubitkom prihoda za obje entitetske vlade.

Visoki predstavnik je ovu odluku donio u skladu sa ovlastenjima koja su mu data Aneksom 10 Daytonskog mirovnog sporazuma i članom XI Zaključaka sa sastanka Vijeća za provedbu mira održanog u Bonnu u decembru 1997. godine.